



Aetravi

Gran Vía, 176-7

36211-Vigo (Pontevedra)

ASUNTO: Notificación da concesión de axudas para as asociacións de comerciantes sen fins de lucro, para a dinamización dos centros comerciais abertos e prazas de abastos de Galicia ao abeiro da orde de 20 de marzo de 2018

Procedemento IN219A-2018 (DOG núm. 65, do 4 de abril de 2018)

Para o seu coñecemento e efectos, notifícolle que con data 7 de agosto de 2018, a directora xeral de Comercio e Consumo, por delegación do conselleiro de Economía, Emprego e Industria (Orde de 10/06/2016 – DOG núm. 131/2016), ditou resolución de concesión de subvención de conformidade co expresado a continuación:

Beneficiario/a	Aetravi
Expediente	IN 219A/2018/37
Investimento subvencionable	57.150,00 €
Importe subvención	40.005,00 €

Contra esta resolución, que é definitiva en vía administrativa, cabe interpoñer, no seu caso:

1. Recurso potestativo de reposición perante o conselleiro de Economía, Emprego e Industria no prazo dun mes contado desde o día seguinte ao da súa notificación, segundo os artigos 123 e 124 da Lei 39/2015, de 1 de outubro, do procedemento administrativo común das administracións públicas.
2. Ou ben, directamente, recurso contencioso-administrativo perante a Sala do Contencioso-Administrativo do Tribunal Superior de Xustiza de Galicia, de conformidade co establecido nos artigos 10 e 46 da Lei 29/1998, do 13 de xullo, reguladora da xurisdición contencioso-administrativa, no prazo de dous meses a contar dende o día seguinte da súa publicación no Diario Oficial de Galicia.

De acordo co artigo 11 das bases reguladoras da Orde de 20 de marzo de 2018, pola que se establecen as bases reguladoras para a concesión, en réxime de concorrencia competitiva, das subvencións ás asociacións de comerciantes sen fins de lucro, para a dinamización dos centros comerciais abertos e prazas de abastos de Galicia e se procede á súa convocatoria (IN219A) (DOG núm. 65, do 4 de abril de





2018), e sen prexuízo dos recursos que procedan contra a resolución de concesión de subvención, de conformidade co disposto polo artigo 21.5 da Lei 9/2007, do 13 de xuño, de subvencións de Galicia, tras dez días desde a notificación desta sen que o interesado comunicase expresamente a súa renuncia á subvención entenderase que a acepta, e desde ese momento adquirirá a condición de beneficiario.

A renuncia á subvención poderase facer axustándose ao modelo que se inclúe como anexo IV da Orde de 20 de marzo de 2018, así como por calquera medio que permita a súa constancia, de acordo co establecido no artigo 94 da Lei 39/2015, do 1 de outubro, do procedemento administrativo común das administracións públicas.

No caso de que se comunicase a renuncia en prazo, o Conselleiro ditará a correspondente resolución nos termos do artigo 21.1 da dita Lei 39/2015.

Para acreditar a realización dos investimentos, o beneficiario achegará a seguinte **documentación**, recollida no artigo 17 das bases reguladoras da Orde de 20 de marzo de 2018 :

a) Memoria explicativa de cada unha das accións realizadas.

No caso establecido no artigo 4.2 f) deberá xustificarse expresamente nunha memoria, cando a selección da oferta non responda a proposta económica máis vantaxosa.

b) Xustificantes dos investimentos:

Os gastos xustificaranse con facturas e demais documentos de valor probatorio equivalente no tráfico xurídico mercantil ou con eficacia administrativa pagados, en orixinal ou copias auténticas electrónicas.

Cando o beneficiario non dispoña de facturas electrónicas para a xustificación da subvención, deberá achegar unha copia auténtica electrónica dos documentos orixinais en papel, de acordo cos procedementos que establece a normativa vixente.

Non obstante, no presente procedemento admitirase os documentos en papel ou copias debidamente compulsadas debido a circunstancias funcionais e/ou tecnolóxicas derivadas da implantación progresiva por parte da Administración xeral da Comunidade Autónoma en relación coa organización da emisión das copias auténticas electrónicas.

As facturas deberán estar emitidas dentro do período comprendido entre a data de inicio do proxecto e a data límite de xustificación do proxecto. Xuntarase relación nominativa de facturas, agrupadas e ordenadas por actuacións subvencionables, facendo constar para cada documento o seu número de orde, que deberá coincidir coa da relación enviada xunto coa solicitude, data de expedición, expedidor, concepto, importe en euros e data de pagamento, segundo o anexo VIII.

A xustificación dos pagamentos acreditarase a través de transferencia bancaria, certificación bancaria ou extracto de pagamento. Nestes documentos deberán quedar claramente identificados o receptor e o emisor do pagamento. Non se admitirán os pagamentos en efectivo.





Así mesmo, non se admitirán como xustificantes os obtidos a través da internet se non están validados pola entidade bancaria ou dispoñen de códigos para a súa verificación por terceiros na sede electrónica da dita entidade bancaria.

c) Para aquelas actuacións de divulgación, tales como material promocional e publicidade, débese entregar un exemplar de cada un deles.

d) Certificación, do órgano que teña atribuídas as facultades, da aplicación dos fondos á finalidade para a que foron concedidos.

e) Declaración actualizada de conxunto das axudas solicitadas tanto as aprobadas ou concedidas como as pendentes de resolución, para a actividade obxecto desta orde, das distintas administracións públicas competentes ou calquera dos seus organismos, entes ou sociedades. Farase mención expresa sobre calquera outra axuda de mínimos recibida durante os dous exercicios fiscais anteriores e durante o exercicio fiscal en curso, así como declaración da entidade solicitante de non estar incurso en ningunha das circunstancias previstas no artigo 10 da Lei 9/2007. segundo modelo normalizado establecido no anexo III desta orde.

f) Declaración xurada de estar ao día de pagamento de obrigas por reintegro de subvencións, segundo anexo III desta orde.

g) Certificacións expedidas polos organismos competentes, acreditativas de estar ao día no cumprimento das súas obrigas tributarias e coa Seguridade Social, e de non ter pendente de pagamento ningunha débeda, por ningún concepto, coa Administración pública da comunidade autónoma, no caso que a entidade solicitante denegase expresamente a autorización ao órgano xestor para que solicite de oficio estas certificacións.

h) No caso de realización de xornadas técnicas e congresos deberán acompañar a seguinte documentación: contido detallado do programa, a súa duración, relación de poñentes, número e identificación das persoas participantes e establecemento comercial ao que pertencen.

i) Información relativa aos indicadores de actuación segundo anexo VI desta Orde.

O importe das axudas aboarase, mediante transferencia bancaria á entidade financeira, ao número de conta para o cal, a entidade beneficiaria realizou na súa solicitude a declaración responsable acerca da veracidade dos datos consignados, segundo se establece no artigo 18 das bases reguladoras da citada Orde.

O prazo de presentación da referida documentación xustificativa remata o día **30 de setembro de 2018**.

Recibida a documentación xustificativa da subvención, os órganos competentes da consellería, antes de proceder ao seu pagamento, poderán realizar as actuacións de comprobación oportunas para verificar o cumprimento da actividade subvencionada.

Segundo o artigo 30 da Lei 9/2007, do 13 de xuño, de subvencións de Galicia, para as subvencións de capital superiores a 60.000 euros, no seu cómputo individual, destinadas a investimentos en activos





XUNTA DE GALICIA

CONSELLERÍA DE ECONOMÍA,
EMPREGO E INDUSTRIA

Dirección Xeral de Comercio e Consumo

Edificio Advo. San Caetano, s/n – bloque 5 – 3ª planta
15781 SANTIAGO DE COMPOSTELA

tanxibles, a comprobación material substituirase pola xustificación documental establecida no artigo 17 desta Orde dada a natureza das actuacións subvencionables.

A percepción da subvención terá lugar unha vez xustificado o investimento e a súa adecuación ao proxecto presentado, debendo acreditarse debidamente a realización das actuacións realizadas antes da finalización do prazo de xustificación. No suposto de que o investimento subvencionable sexa inferior ao inicialmente previsto, o importe da subvención minorarase proporcionalmente, sempre e cando estea garantida a consecución do obxecto. En caso de concorrer con outras axudas, aplicarase o establecido no artigo 2.3. da Orde de convocatoria. En calquera caso, a Dirección Xeral de Comercio e Consumo poderá realizar as comprobacións que considere oportunas respecto ás axudas que conceda e deberá ter acceso a toda a documentación xustificativa das mesmas.

Santiago de Compostela

A directora xeral de Comercio e Consumo
Sol María Vázquez Abeal

